



Adresa: **ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-618-5/24**

Datum: **14.01.2025. godine**

«Agencija za vodno područje rijeke Save» Sarajevo rješavajući po zahtjevu korisnika JKP "Vodovod i Kanalizacija" d.o.o. Bugojno za izdavanje vodne dozvole za zahvaćanje vode na izvoru Resnik u svrhu vodoopskrbe pitkom vodom potrošača na području općine Bugojno na osnovu člana 139. stav 1. točka 1. Zakona o vodama («Službene novine Federacije BiH», broj 70/06) i člana 200 stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola korisniku JKP "Vodovod i Kanalizacija" d.o.o. Bugojno, za zahvaćanje vode na izvoru Resnik u svrhu osiguranja potrebnih količina vode za piće stanovništva i privrede općine.
2. Zahvatna građevina (kaptaža) locirana je katastarskoj čestici k.č. 2192, K.O. Glavice, općina Bugojno s zahvaćenim kapacitetom $Q = 36 \text{ l/s}$.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz slijedeće uvjete:
 - 3.1 Da se vodozahvatni objekt održava i koristi u funkcionalnom stanju u skladu sa njegovom prirodom i namjenom, izdanim vodnim aktom i općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu na osnovu člana 20. stav 4. Zakona o vodama («Službene novine Federacije BiH», broj 70/06) i Pravilnikom o održavanju, korištenju i osmatranju vodovodnih objekta («Službene novine Federacije BiH», broj 97/19).
 - 3.2 Da se evidenciju o mjerenjima zahvaćenih količina vode vrši u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 3.3 Ugrađene mjerne uređaje za evidentiranje zahvaćenih količina vode potrebno je redovno održavati i baždariti i u tom smislu angažirati ovlaštena pravna lica.
 - 3.4 Korisnik predmetnog objekta je dužan osigurati stalni i sistemski pregled vode i poduzimati mjere za osiguranje zdravstveno ispravne vode za piće, te osigurati tehničku ispravnost ugrađene opreme (crpke, vodomjeri, zatvarači, klorinator itd.).
 - 3.5 Kontrolu-ispitivanja kvaliteta vode za potrebe vodoopskrbe vodom za piće stanovništva mogu vršiti ovlaštene laboratorije, u skladu sa članom 48 stav 3. Zakona o vodama.
 - 3.6 Ukoliko se u slučaju redovnih ili izvanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o higijenskoj ispravnosti vode za piće («Službeni glasnik BiH», br. 44/10), vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.
 - 3.7 Da se vrši stalna dezinfekcija vode klorisanjem kao i kontrola rezidualnog klora u pitkoj vodi u gradskoj – distributivnoj mreži.
 - 3.8 Da se uredno vodi dnevnik rada u koji će se unositi podaci o postupku klorinacije i potrošnje svih kemikalija, da se isti skladišti samo u prostoriji klorne stanice, te da se vrši redovna kontrola uskladištenih kemikalija i osiguraju svi potrebni uvjeti u cilju sprečavanja zagađenja površinskih i podzemnih voda uskladištenim materijama.

- 3.9 Da se u toku važenja ove dozvole, okončaju aktivnosti oko donošenja Odluke o zaštiti izvorišta „Resnik“, a sve u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», br. 88/12).
4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
5. Korisnik objekta treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode na izvoru "Resnik" i podatke o tim mjerenjima unosi u Knjigu evidencije o količinama zahvaćene vode. Mjerenje količina zahvaćene vode osigurati atestiranim vodomjerima čije funkcioniranje i točnost se može jednostavno provjeriti. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Sl. novine FBiH“ br. 83/08). Korisnik je dužan uredno vršiti plaćanje vodnih naknada i po osnovu zahvaćenih količina vode shodno članu 170. stav 1. točka 1. alineja 1. Zakona o vodama, a u skladu sa Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
- 5.1 Vlasnik će plaćanje vodne naknade za iskorištavanje vode vršiti na osnovu utvrđene količine vode koju zahvata. Podatke o zahvaćenim količinama vode korisnik je dužan dostavljati u formi mjesečnog izvještaja na obrascu „ZV“ «Agenciji za vodno područje rijeke Save» Sarajevo.
- 5.2 Posebnu vodnu naknadu za korištenje površinskih i podzemnih voda korisnik će plaćati na osnovicu koju čini količina zahvaćene vode, o čemu je obavezan dostavljati mjesečni izvještaj ovoj Agenciji. Odluka o visini posebnih vodnih naknada („Sl. novine FBiH“ 46/07,10/14 i 03/16) svojim članom II točka 1 definiira visinu ove vrste naknada.
6. U slučaju potrebe izvođenja drugih istražnih radova na užem lokalitetu izvorišta «Resnik» ili izgradnje novih, rekonstrukciju ili uklanjanje postojećih objekata na izvorištu «Resnik», korisnik sistema je dužan prethodno pribaviti odgovarajuća vodna akta (prethodnu vodnu suglasnost, vodnu suglasnost i vodnu dozvolu) od nadležnog organa.
7. Ugrađene mjerne uređaje za evidentiranje zahvaćenih količina vode potrebno je redovno održavati i baždariti i u tom smislu angažirati ovlaštena pravna lica.
8. Izgrađeni objekt se može koristiti samo u skladu sa njegovom namjenom prema projektnoj dokumentaciji, građevinskoj dozvoli i ostalim izdanim suglasnostima.
9. Vodna dozvola se daje s rokom od 5 (pet) godina od dana pravosnažnosti ovog rješenja.
10. Prava stečena na osnovu ove vodne dozvole ne mogu se prenositi na treća lica, a ista se mogu izmijeniti u zakonom propisanim slučajevima.
11. Korisnik vodne dozvole je dužan da prije isteka važnosti ove vodne dozvole podnese zahtjev za izdavanje nove vodne dozvole.
12. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Svojim zahtjevom Javno poduzeće JKP "Vodovod i Kanalizacija" d.o.o. Bugojno, podnio je ovoj Agenciji zahtjev za izdavanje Vodne dozvole za zahvaćanje vode na izvoru «Resnik» u cilju vodoopskrbe pitkom vodom potrošača na području općine Bugojno.

Uz zahtjev dostavljena je sljedeća dokumentacija:

- Ispunjen i ovjeren zahtjev za izdavanje vodne dozvole za izvor Resnik.
- Ovjerena kopija lične karte odgovorne osobe.
- Kopija dostave izvoda iz registra po zahtjevu od 07.06.2024 god..
- Ovjerena kopija historijskog izvoda iz sudskog registra, broj: 051-0-RegZ-24-000976 od 10.06.2024 god izdata od strane Općinskog suda u Travniku –SBK.
- Ovjerena kopija Uvjerenja o poreskoj registraciji i identifikacionom broju od 19.06.2024 godine, izdanog od strane Porezne uprave – Kantonalni ured Novi Travnik-Federalno ministarstvo financija-financija.
- Odluku o vodovodu i kanalizaciji br. 01/1/23-9-2342/03 od 27.10.2003.god..
- Ovjerena kopija o vd, broj: UP-I-25-3-40-595-5/19 od 13.12.2019 god., izdana od strane AVP SAVA Sarajevo.
- Dokaz o uplaćenju upravnoj taksi.
- Tehnički opis izvorišta Resnik izrađen od tehničke službe poduzeća (vraćen Investitoru na uviđaju).
- Izvještaj o uzrokovanju br.5026-3/24 izrađen od Euro Inspekt doo Sarajevo OJ Laboratorija od 18.11.2024 god u Sarajevu.
- Izvještaj o laboratorijskom ispitivanju br.5026-3/24 izrađen od Euro Inspekt doo Sarajevo OJ Laboratorija od 16.11.2024 god u Sarajevu.
- Rezultati mikrobiološke analize-Naziv uzorka „Voda sa česme IBN:5026-3/24“ od Euro Inspekt doo Sarajevo od 18.11.2024..
- Dokaz o uplati po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“, broj 31/15), izvršen je uviđaj na terenu i tom prilikom sačinjen zapisnik o uviđaju broj: UP-1/21-3-40-618-4/24 od 22.12.2024. u kojem je konstatirano sljedeće:

- Na izvoru Resnik zahvaćeno je 36 l/s i koristi se za vodoopskrbu naselja Vučipolje, Drvetine, Kula i Bristovi. Način zahvaćanja je da voda s izvorišta direktno utiče u vodospremnik, kapaciteta cca 10 m³ i gravitacionim vodom vrši se vodoopskrba navedenih naselja izuzev manjeg dijela Vučipolja za koje je izrađena crpna stanica i vodospremnik kapaciteta 10 m³.
- I Zona sanitarne zaštite je izvedena žičanom ogradom kojom su obuhvaćeni svi vodovodni objekti. Povremeno se kontroliraju ostale zone zaštite izvorišta.
- Zahvaćeno je 36 l/s i na vodospremniku se ispušta višak vode koji otječe prirodnim koritom.
- Izvještaj o uzrokovanju broj:5026-3/24 od 18.11.2024 god., Izvještaj o laboratorijskom ispitivanju broj: 5026-3/24 od 16.11.2024 god i Rezultati mikrobiološke analize, Naziv uzorka: Voda sa česme IBN:5026-3/24 izrađen od strane Euro Inspekt doo Sarajevo OJ Laboratorija
- Projektna dokumentacija za navedeno izvoru kao i elaborat zaštitnih mjera za određivanje zona sanitarne zaštite vodozahvata Resnik je u fazi izrade. Tehnička služba poduzeća je izradila tehnički elaborat kojim su obuhvaćeni svi objekti vodoopskrbnog sustava s izvorišta Resnik.

Razmatrajući podneseni zahtjev, a na osnovu utvrđenog činjeničnog stanja i uviđaja izvršenog na terenu, podnosiocu zahtjeva su ovom vodom dozvolom, u dispozitivu Rješenja propisani uslovi u skladu sa odredbama Zakona o vodama, Pravilnika o sadržaju, obliku, uvjetima načinu izdavanja i čuvanja vodnih akata te odredbama Pravilnika o zdravstvenoj ispravnosti vode za piće.

Na osnovu provedenog postupka konstatuje se da je podnosilac zahtjeva JKP "Vodovod i Kanalizacija" d.o.o. Bugojno, ispunio minimum uslova za izdavanje vodne dozvole za zahvatanje vode na izvoru «Resnik» u cilju vodoopskrbe potrošača na području općine Bugojno, te je riješeno kao u dispozitivu ovog Rješenja.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.građ.



Po ovlaštenju

Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- JKP "Vodovod i Kanalizacija" d.o.o. Bugojno, Slobode bb, Bugojno
- ⊗ AVP, ISV –Vodna knjiga
- Sektor 50
- Sektor 40, arhiva
- oglasna ploča AVP Sava